



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXXXVIII. De facultate petendi subsidia charitativa pro captivorum
redemptione Fractibus B. M. de Mercede facta.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

gationibus, & Capitulis Provincialibus respective eorundem fratrum, tam de observantia, quam Reformatorem, Discolleatorem, Recolletorum, Tertiariorum, vel quocumque alio nomine nuncupatorum sub directione, ac gubernio Ministri Generalis dicti Ordinis degentium, soli deinceps Patres Definitorii cujuslibet Provinciae ad id electi nimirum Minister Provincialis, Custos, & Definidores, qui numero quatuor esse solent voce consultiva, & decisiva uti, & frui deberent, prout in eadem nostra Constitutione, cujus tenorem praesentibus pro plene, & sufficienter expresso, & ad verbum inserto haberi volumus uberius continetur.

Cause praesentis Constitutionis; & preces Familiae Ultramontanae pro moderazione supradictae Constitutionis.

§. 2. Cum autem sicut dilecti filii Fratres Provinciarum de observantia, Recolletorum, & Tertii Ordinis ejusdem sancti Francisci Familiae ultramontanae nobis nuper exponi fecerunt, ex quadam propemodum necessaria haecenus, apud eos servata, ac tam Capitulis generalibus ejusdem Ordinis, tum etiam Sedi Apostolicae, sicuti ex quibusdam fe. re. Urbani PP. VIII. praedecessoris nostri literis constare dicitur, probata consuetudine, in Definitorii, Congregationibus, & Capitalis hujusmodi praeter Ministrum Provinciale, Custodem, & quatuor Definidores praefatos, duo alii Fratres quo ad Provincias eorum de Observantia, & unus dumtaxat quoad illos Recolletorum, & Tertii Ordinis ad suffragium ferendum admitti consueverint, isque usus invaluerit, potissimum, ne in Definitorii, Congregationibus, & Capitulis praefatis desint Religiosi in rebus ad easdem Provincias pertinentibus versati, qui Officiales electos, ubi opus est, de illis edocere valeant, praesertim cum dictae Provinciae vastae existant, ac Conventuum copia abundant, & ut plurimum iidem officiales recenter electi, debitam de ipsis Provinciis, earumque statu cognitionem non habeant. Nobis propterea exponentes praefati humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

§. 3. Nos igitur, qui Provinciarum praedictarum bonum regimen, felicemque progressum, & tranquillitatem sinceris exoptamus affectibus haece justis, & rationabilibus ex causis adducti, memoratam nostram Constitutionem in hac parte tantum declarare, ac moderari, ipsosque Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, quod in dictis Definitorii, Congregationibus, & Capitulis Provincialibus Provinciarum Fratrum de observantia, Recolletorum, & Tertii Ordinis Familiae ultramontanae, in quibus tamen antequam praefata nostra Constitutio emanaret, enarrata consuetudo vigeat, & non alias, ultra Ministrum Provinciale, Custodem, & quatuor Definidores praedictos, Exminister Provincialis immediatus, qui pro tempore officio suo perfunctus fuerit, votum sive suffragium, sicuti antea ferre & habere, ac quoad Provincias ipsorum fratrum de observantia praeter eundem Exminister Provinciale immediatum, ac in locum antiquioris Patris alius insuper Religiosus quolibet triennio a senioribus, seu antiquioribus Patribus cujuslibet Provinciae, qui inibi juxta eorum graduationem reperientur, incipiendi ita scilicet, quod Patres Ordinis Exministros Provinciales actuales vero illos, qui habituales vocantur praecedant & si non adsint Fratres his qualitatibus praediti, etiam Lectores Jubilati, ac demum ii, qui ad ejusdem nostrae Constitu-

tionis praescriptum subrogandi veniunt, accersantur, & admittantur similiter vocem habere, & ferre libere, licite, & valide possint, & valeant auctoritate Apostolica harum serie concedimus, & permitimus.

§. 4. Cum hoc tamen, quod ejusmodi Exminister Provincialis, ac alius Religiosus fratrum de observantia a Definitorii, Congregationibus, & capitalis praefatis per triennium, quo durante, illa ingredi nequeant, vacare teneantur, tamen in illis ad quemvis gradum suarum Provinciarum exacto dicto triennio deligi, seu in locum aliorum Patrum subrogari valeant, cum mens, & intentio nostra sit providere, ne istorum Exministri Provincialis, & alterius Religiosi suffragia sint perpetua, seu semper in gubernio persistant, ac propterea volumus, quod in sequenti Capitulo praeter Exminister Provinciale immediatum praefatum ita substituatur Antiquiores, & Seniores Patres in Provinciis Fratrum de observantia, uti supra dispositum fuit, quod si in uno Triennio Pater Ordinis vocem habuerint, sequenti triennio, nisi alius Pater Ordinis, sive actualis, sive habitualis adfuerit Pater Provinciae succedere debeat, servato semper ordine in subrogationibus hujusmodi pro Nos in memorata nostra Constitutione praescripto.

§. 5. Non obstantibus quoad ea, quae praesentibus sunt contraria, nostra praefata, & quibusvis aliis Constitutionibus, & ordinationibus Apostolicis, necnon omnibus, & singulis illis, quae in eadem nostra Constitutione concessa sunt non obstante, ceterisque contrariis quibuscumque.

Datum Romae apud S. Petrum sub annulo Piscatoris die XIV. Junii MDCCXXXVII. Pontificatus nostri anno Quarto.

Confirmantur Literae Martini V. pro Fratribus B. M. de Mercede Redemtionis Captivorum emanatae, super facultate libere petendi subsidia charitativa pro Captivorum redemtionem.

Praedicta Martini V. Const. hic inserta ed. est 1418. Jun. 29. P. 2. & alia hujus Const. ed. 1727. Aug. 21. P. 4. confirmantur quaedam decreta pro bono regimine Provinciarum Hispaniae.

BENEDICTUS PAPA XIII.

Ad futuram rei memoriam.

EX injuncto Nobis caelestis Apostolicae servitutis munere illa, quae a Romanis Pontificibus Praedecessoribus Nostris favore Religiosorum Ordinum quorumcumque, illorum praesertim, qui sub peculiari Gloriosissimae Dei Genitricis Mariae Vexillo assidue Altissimo famulantes, Christifideles in teterrima Infidelium captivitate constitutos, juxta laudabilia eorum Instituta redimere consueverunt, pie, provideque emanasse noscuntur, ut solidiori robore perennent, Apostolici muniminis Nostrae praesidio, cum id a Nobis petitur libenter constabilimus.

§. 1. Dudum siquidem fe. re. Martinus Papa V. Praedecessor Noster Magistro Generali, ac fratribus pro tempore existentibus Ordinis Beatae Mariae de Mercede Redemtionis Captivorum indulgit, ut ipsius Ordinis Fratres, & Nuntii, qui pro charitativis elemosynarum subsidiis ad opus Redemtionis eorumdem Captivorum procurandum, & alia praedicto Ordini pro tempore incumbenda onera supportanda petendi in Regnum Aragoniae, Franciae, Castellae, Portugalliae, & Navarrae Provincias, & Comitatum Provinciae, aliasque partes mittebantur, charitativa subsidia hujusmodi absque ulla contradictione, & difficultate inibi libere petere valerent, utque locorum Dioecesanum, eorumque Officialium, & Religiosi

exempti,

Declaratio
nes quaedam

Clausula De
rogatoria.

CXXXVIII.

Dat. 14. Junii
1727. Ann. 4.

Exordium.

A Martino V.
praedicti Or
dinis Fratri
bus facultate
ubique pe
tendi chari
tativa sub
sidia pro Re
demtionem
Captivorum
concessa fuit.

exempti, & non exempti in suis Ecclesiis, & extra eas prædictos Fratres, & Nuntios ad id pacifice admittere tenerentur, nec illos hac in re molestare, seu quomodolibet impedire præfumerent, & alias prout uberius continetur in ipsius Martini Prædecessoris literis desuper expeditis, tenoris, qui sequitur, videlicet.

Prædicta Martini V. Constitutio qua d. facultas concessa est.

§. 2. Martinus Episcopus servus servorum Dei. Dilectis Filiis Magistro Generali, & Fratribus Ordinis Beatae Mariae de Mercede Redemptionis Captivorum salutem, & Apostolicam Benedictionem. Sincerae devotionis affectus, quem ad Nos, & ad Romanam Ecclesiam geritis non indigne meretur, ut ad illa favorabiliter intendamus, quæ vobis fore conspicimus opportuna. Exhibita siquidem Nobis pro parte vestra petitio continebat, quod licet vos de antiquo approbata, & hæcenus pacifice observata consuetudine in Aragonia (cujus Reges Fundatores dicti Ordinis extiterunt) necnon Franciæ, Castellæ, Portugalliæ, & Navarræ Provinciis, & Comitatu Provinciæ, ac certis aliis partibus pro Charitativis elemosynarum subsidii ad Redemptionis Captivorum, & alia eidem Ordini pro tempore incumbencia onera supportanda, petendis, Fratres, aut nuntios vestros mittere consueveritis & iidem Fratres, aut nuntii absque impedimento, & contradictione quibuscumque ad id recipi, & admitti soliti sint, tamen nonnulli locorum Diocesani, & Officiales eorum, ac Religiosi exempti, & non exempti eisdem Fratres, & Nuntios ad petenda subsidia elemosynarum hujusmodi in eorum Ecclesiis admittere nolunt, quinimo eos impedire super his præsumunt. Quare pro parte vestra fuit Nobis humiliter supplicatum, ut providere vobis super hoc de opportuno remedio dignaremur. Nos igitur intendentes vos favoribus gratiosis prosequi in hac parte, hujusmodi supplicationibus inclinati volumus, & Apostolica vobis auctoritate concedimus, ut Fratres, & nuntii vestri prædicti, cum a vobis ad id missi fuerint in Provinciis, & Comitatu, ac aliis partibus hujusmodi absque difficultate, & contradictione, quibuscumque charitativa subsidia prædicta libere petere valeant, quodque Diocesani, & Officiales, ac Religiosi prædicti in eorum Ecclesiis, & extra eas eisdem Fratres, & nuntios ad id pacifice admittere teneantur. Districtius inhibentes eisdem Diocesanis, ac officialibus, & Religiosis, ut Fratres, aut nuntios antea dictos occasione quacumque super eis molestare, seu quomodolibet impedire præsumant, ac decernentes ex nunc irritum, & inane, si secus super his a quoquam quavis auctoritate scienter, vel ignoranter contigerit attentari. Nulli ergo omnino hominum liceat hanc paginam nostræ voluntatis, concessionis, inhibitionis, & Constitutionis infringere, vel ei ausu temerario contraire: si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Florentiæ 3. Kal. Julii Pontificatus Nostri Anno Secundo.

Concessio prædictæ facultatis.

§. 3. Cum autem sicut Dilectus Filius Gabriel Barbastro Magister Generalis Ordinis præfati Nobis nuper exponi fecit, tam ipse, quam Dilecti Filii Fratres ejusdem Ordinis, qui adeo pio, & salutari operi, quod cæteris corporalibus misericordiæ operibus facile antecellit, & in quo uno fere omnia quasi per compendium simul exercentur omni cura, ac studio, nullique labori, & periculo parcentes assidue incumbunt, præmissa quo firmiter subsistant, & inviolabiliter serventur, Apostolicæ confirmationis Nostræ patrocinio communiri summopere desiderant. Nos ad uberes Christianæ charitatis, & pietatis fructus, quos Ordo præfatus in agro militantis Ecclesiæ jugiter proferte dignoscitur, quosque oculis Nostri Anno Jubilæi novissime elapso, quo scilicet trecenti septuaginta ex di-

Preces Magistri Generalis Ordinis.

versis Nationibus Fideles a misera servitute per ejusdem Ordinis Fratres recenter redempti Nobis coram exhibitum fuerunt, non sine intimo cordis Nostri solatio spectare datum est, paternæ dirigentes considerationis intuitum specialemque Gabrieli Magistro Generali, & Fratribus prædictis gratiam facere volentes, & eorum singulares personas a quibuscumque excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus ipsius Gabrieli Magistri Generalis nomine Nobis super hoc humiliter portectis inclinatis, de Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præpositorum consilio, præinsertas Martini Prædecessoris literas, omniaque, & singula in eis contenta, dicta auctoritate tenore præsentium approbamus, & confirmamus, illisque inviolabilis Apostolicæ firmitatis robur adjicimus.

§. 4. Decernentes pariter ipsas præsentem litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab illis respective inviolabiliter, & inconcussè observari: Sicque in præmissis per quoscumque Judices Ordinarios, & Delegatos, cæterosque Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus Apostolicis, ac in Universalibus, Provincialibusque, & synodalibus Conciliis editis generalibus, vel specialibus Constitutionibus, & Ordinationibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XIV. Junii MDCCXXVII. Pontificatus Nostri Anno Quarto.

Statuuntur nonnulla de Archivis in Italia Sedium Episcoporum, aliorumque Religiosorum Locorum erigendis, pro custodienda jurium, scripturarum ad ea pertinentium.

Hac de re pro Regno Sicilia vid. Pii V. Const. ed. 1571. Mart. 1. P. 6.

BENEDICTUS EPISCOPUS

Servus Servorum Dei. Ad perpetuam rei memoriam.

Maxima vigilantia, quam majores nostri in rerum suarum monumentis ad posterorum memoriam retinendis semper adhibuerunt, adeo testata, & passim Literis tradita est, ut nostris verbis prædicari minime egeat; nihil enim frequentius in veterum Patrum scriptis, Sacrisque Conciliorum, & Ecclesiæ Sanctionibus legitur, quam Scrinia, Tabularia, Archiva, Conditoria, & Armaria, a temporum, atque hominum injuria servandis rerum gestarum documentis, chartis, diplomatibus, Codicibus, Instrumentisque, constructa; unde fides, & veritas

Confirmatio relatæ Constitut. Martini V.

Clausula.

CXXXIX.

Dat. 14. Junii 1727. An. 4.

Exordium ductum ab Archivorum Ecclesiasticorum necessitate.